



Communicaziun a las medias (30.6.2023)

**Il rapport da lavur dal FSC 2021/2022 è cumparì (Bulletin dal FSC nr. 65)**

## **Sustegnì 236 projects per valurisar cuntradas cultivadas**

**Suenter ch'il Parlament federal ha decidì da cuntinuar cun il Fond svizzer per la cuntrada FSC, ha quel cumenzà ses quart decenni cun ina nova strategia. Dus onns pli tard fan la presidenta dal FSC Verena Diener e quatter commembras e commembers da la cumissiun dal FSC ina bilantscha intermediara positiva en il nov rapport da lavur: ils ultims dus onns ha il FSC pudì sustegnair 236 projects – e dar inqual accent spezial ed er innovativ.**

«Ils projects sustegnids augmentan la bellezza, la particularitad e la varietad da las cuntradas svizras.» Questa apprezzaziun è scritta en il rapport, cun il qual la cumissiun per l'ambient dal Cussegl dals chantuns ha a ses temp proponì cun success da cuntinuar cun il Fond svizzer per la cuntrada (FSC) ils onns 2021 fin 2031. Plinavant pon ins leger: «La qualitad augmentada da la cuntrada che resulta dat in sentiment d'attaschadad a la patria, promova l'identitad regiunala, permetta recreaziun e serva al turissem.»

En l'emprim rapport da lavur suenter la prolungaziun da durada dal FSC reprenda la presidenta dal FSC Verena Diener quests pleds bain formulads. **Ils onns da rapport 2021 e 2022 èn vegnids inoltrads en total passa 300 dumondas da sustegn finanziel – ed a 236 projects ha il FSC pudì conceder contribuziuns.** Tenor la presidenta dal FSC mussan questas cifras «che umans, organisaziuns e la cuminanza s'engaschan cun agid da contribuziuns da promoziun dal FSC vinavant fermamain per cuntradas cultivadas, e quai a moda iniziativa ed a basa facultativa – quai è fitg legraivel.»

**Dapi sia fundaziun l'onn 1991 a chaschun dal 700avel anniversari da la Confederaziun ha il FSC sustegnì gia radund 3100 projects per mantegnair, valurisar e restabilir cuntradas cultivadas en accord cun la natira ed investì en total 163 milliuns francs en tut las regiuns dal pajais.**

Il Cussegl federal ed il parlament han ludà l'instrument da promoziun federal independent da l'administraziun, cura ch'igl è ì per prolungar las basas legalas e finanzialas dal FSC per ils onns 2021-2031.

Suenter la decisiun positiva dal parlament n'è l'organ directiv, la cumissiun dal FSC che sa cumpona da 13 commembras e commembers, betg sa cuntentà mo cun la reconuschienscha per la lavur prestada. El n'ha betg simplamain cuntinuà cun la pratica cumprovada, mabain formulà ina strategia co ch'il FSC duaja prender per mauns sapientivamain las sfidas actualas per la cuntrada durant il quart decenni dapi sia fundaziun. En il rapport da lavur 2021/2022 vegn fatga in'emprima bilantscha intermediara:

- Sin fundament dals projects sustegnids fin uss ha la presidenta dal FSC **Verena Diener** (Winterthur) «buna speranza ch'il FSC po, malgrà ses meds limitads, contribuir ina pitschna ma tuttina preziosa part per surmuntar las sfidas dal 21avel tschientaner».

- **Rachele Gadea-Martini** (Maggia TI), commembra da la cumissiun dal FSC, mussa co che vegn realisada l'emprima finamira da la strategia dal FSC: «Cuntinuar cun quai ch'è sa cumprovà en il senn da l'incumbensa legala, ma d'in cuntin analizar criticamain.» Distincziuns publicas per projects promovids cumprovan questa lingia.
- **Caroline Beglinger Föderova** (Täuffelen BE), commembra da la cumissiun dal FSC, descriva la rolla dal FSC sco «render abel insatgi» da realisar projects: «cun cussegljar a moda cumpetenta, colliar partenaris, infurmar davart buns exempels, parter l'entusiassem e sustegnair finanzialmain.»
- **Victor Egger** (Fontenais JU), commember da la cumissiun dal FSC, mussa cun agid da l'exempel «Focus FSC agroselvicultura» co ch'il FSC emprova da surpigliar la rolla dal «concepider». Uschia gida el a stgaffir novas cuntradas cun elements tradiziunals e qua tras er a promover la biodiversidad.
- **Thomas Stirnimann-Dormann** (Emmenbrücke LU), commember da la cumissiun dal FSC, scriva da la tschertga lantschada dad «ideas innovativas» e mussa ch'il FSC è intenziunà da sustegnair – d'asper la pratica etablida – novas ideas e projects innovativs che gidan a tegnair en vita nossas cuntradas cultivadas.

Ils texts dal rapport da lavur dal FSC cuntegnan numerusas fotografias da projects sustegnids. Statisticas preschantan l'engaschament dal FSC en ils chantuns, il svilup da las dumondas e da las contribuziuns da promoziun en il decurs dal temp sco era la valitaziun dal success da projects sustegnids.

Il rapport da lavur 2021/2022 è cumparà sco Bulletin dal FSC nr. 65. Ins po leger el sco e-paper sin la pagina-web dal FSC e telechargiar el sco PDF, ubain retrair el gratuitamain en furma stampada ed abunar ediziuns futuras.

Per ulteriuras infurmaziuns: [www.flis-fsp.ch](http://www.flis-fsp.ch) / 031 350 11 50 / [info@flis-fsp.ch](mailto:info@flis-fsp.ch)

## **Chascha 1:**

### **Il FSC tschertga «ideas innovativas»**

Il FSC tschertga "ideas innovativas" en favur d'in svilup persistent da cuntradas culturalas ecologicas: novas modas da proceder, realisaziuns innovativas, novs aspects da la cuntrada e furmas d'utilisaziun modernas – u ditg cun auters plets: respostas a las sfidas dal 21avel tschientaner.

Avais Vus concepts ch'i vala da sviluppar a projects realisabels e duvrais Vus sustegn per far quai? Nus tschertgain però era projects innovativs gia elavurads che s'occupan dal svilup da la cuntrada e che pon vegnir realisads svelt.

Vus survegnis contribuziuns da promoziun per instruments novs, per modas da proceder modernas e per tecnicas innovativas che sustegnan in svilup da la cuntrada persistent en il senn dal FSC. Nus concedin dentant era contribuziuns per mesiras, cuntegns ed objects novs. Nus avain l'intenziun da sustegnair particularmain era projects che sviluppan vinavant u interpreteschan da nov elements tradiziunals da la cuntrada cultivada e da lur furmas d'utilisaziun.

**[www.flis-fsp.ch](http://www.flis-fsp.ch)**

## **Chascha 2:**

### **Exempels da projects sustegnids**

Quests projects ha il FSC sustegnì il 2021/2022 cun las pli grondas contribuziuns (a partir da 100'000 francs, garantids per quels dus onns):

- Fokusraum Au, Wädenswil ZH (FLS-Beitrag CHF 100'000)
- Restauration de la tourbière du Prédame, Franches-Montagnes JU (CHF 100'000)
- La strada del Satro e la via dei Grotti, Val Blenio TI (CHF 100'000)
- Restaurierung Trockenmauer Probstenberg SO / BE, Naturpark Thal (CHF 100'000)
- Biotop Stadtallmend, Bellach SO (CHF 100'000)  
Infos: [www.bg-bellach.ch/projekte/](http://www.bg-bellach.ch/projekte/)
- Habitats de haute qualité pour la chevêche - phase II, Ajoie JU – collective chevêche : [www.chevecheajoie.com](http://www.chevecheajoie.com) (CHF 100'000)
- Paesaggio Campo Vallemaggia TI (CHF 110'000)
- Erhalt terrassierte Rebberge Raron VS - 2. Etappe (CHF 110'000)
- **Recupero selve castanili nel Moesano GR** 2020-2024 (CHF 112'000)
- Paesaggio Brione Verzasca TI (CHF 120'000)
- **Kulturlandschaft Domleschg GR, Aufwertungsmassnahmen** 2021-2026 (CHF 120'000)
- Bisse Roux, Val d'Anniviers VS (CHF 120'000)
- Restauro del nucleo di Germanionico TI, 2° tappa (CHF 120'000)
- Valorizzazione e recupero conservativo del paesaggio terrazzato di Menzonio-Pianezza, Brontallo TI (CHF 120'000)
- Stones & Stories - Sanierung Trockenmauer Alp Walop BE / Kaisereggalp FR (CHF 125'000)
- Ökologische und landschaftliche Aufwertungen Aufiberg, Schwyz SZ (CHF 125'000)
- Landschaftsprojekt oberes Tösstal ZH, 2022-2026 (CHF 140'000, inkl. Beitrag der Sophie und Karl Binding Stiftung) Infos: [www.schmetterlingsförderung.ch/index.php/landschaftsprojekt-toesstal](http://www.schmetterlingsförderung.ch/index.php/landschaftsprojekt-toesstal)
- Aufwertungsprojekt Rebberg Klus – Tschäpperli, Aesch BL (CHF 150'000)
- Revitalisation Plat de la Lée, Zinal VS (CHF 150'000)
- Aufwertungsprojekt Wasserfallen BL (CHF 150'000)
- Aufwertungsmassnahmen Naturnetz Pfannenstil, Projektjahre 2021-2022 (CHF 200'000)
- Ein Mosaik aus Naturjuwelen für die Schweiz (CHF 200'000)
- **Aufwertungsmassnahmen Biosfera Val Müstair GR** 2021-2024 (CHF 250'000, inkl. Beitrag der Ernst Göhner Stiftung)